



INATSISARTUT

**Aningaasaqarnermut Nunamullu
Namminermt Naalackersuisoq
/MAANI**

Ulloq: 13. juni 2013
J.nr.: 01.31.06/13-00623

**Aningaasaqarnermut Akileraartarnermullu Ataatsimiititaliap pingasunngornermi
ulloq 12. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/13-00623)**

**Maniitsup eqqaa pillugu Royal Greenland A/S-imut sullissinissamik
isumaqatigiissummut tapiliussaq**

Naalackersuisut inassutigaa,

- Maniitsup eqqaani suanniarneq pillugu Royal Greenlandimut sullissinissamik isumaqatigiissut ilanngunneqartoq akuerineqassasoq,
- Sullissinissamullu aningaasaliissutit 585.000 koruuniusut kontomit pingaarnermit 50.01.18-mit, Ingerlatsinermt isumaqatigiissutit, tunisassiorfiit-nit tiguneqassasut."

Aningaasaqarnermut Ataatsimiititaliap oqaaseqaatai

Suaat Maniitsup eqqaani tunisat Nuummi tunisassiorfimmut assartorneqarnissaat pillugu Royal Greenland A/S-imik sullissinissamik isumaqatigiissuteqarnissaq Naalackersuisut qinnuteqaatikkut ugguaa kissaatigaa.

Arctic Green Food A/S-ip akiliisinnaajunnaarnissaanik Naalackersuisut peqqussuteqarnerisigut sullissinissamik Naalackersuisut ingerlatseqatigiffimmut isumaqatigiissutaat atorunnaarsinneqarpoq, taamaattumillu tunisinissaq eqqarsaatigalugu allatut aaqiissuteqarnissap pisariaqarsinnaanera ataatsimiititaliamit paasilluarneqarsinnaavoq.

Konto pingaarnermut 50.01.18-imut, tunisassiorfinnik ingerlatsinissamik isumaqatigiissutinut tunngasumut, missingersuutinut ilanngussami aningaasaliissuteqarnermi tunngavinnut atuuttunik saneqqutsinissatut qinnuteqaat una isigineqassaaq, taamaattumillu tamanna nassuiaatigineqarsimasuuppat iluaqutaasimassagaluarpoq.

Qinnuteqaatip Aningaasaqarnermut Ataatsimiititaliamut nassiunneqarnissaa Naalackersuisut ulloq 2. maj aalajangersimammassuk ataatsimiititaliamit maluginiarneqarpoq, qinnuteqaalli ataatsimiititaliamit aatsaat ulloq 31. maj tiguneqarluni. Tamanna ajornartorsiutitaqarpoq, tassami nipisaat suaannik tunisineq kisiat sullissinissami isumaqatigiissutikkut matussuserniarneqarmat, taakkulu takkussimaarnerat piffissap imaalinerani qaangiutereertutut isigineqarluni. Konto pingaarnermut 50.01.18-imut, tunisassiorfinnik ingerlatsinissamik isumaqatigiissutinut tunngasumut, oqaasertaliussaq naapertorlugu suleqatinut avataaneersunut Naalackersuisut aatsaat isumaqatigiissuteqarsinnaapput Inatsisartut Aningaasaqarnermut Ataatsimiititaliaannit

akuerineqartumik. Taamaattumillu suliap Aningaasaqarnermut Ataatsimiititaliamut nassiunniaasaarneqarsimanerata nassuiaatigineqarnissaata qinnutiginiissaa pisariaqartutut ataatsimiititaliamit isigineqarpoq kiisalu ilanngullugu paasissutissiissutigeqquneqarluni isumaqatigiissuteqartoqareersimangersoq imaluunniit siunertamut aningaasartuuteqartoqareersimangersoq, taamaattoqarsimappammi tamanna missingersuusiornermut inatsimmik aammalu aningaasanut inatsimmik unioqutitsinerussaaq.

Maniitsumi tunisassiorfimmi pinnani Nuummi tunisassiornikkut annertuumik ingerlatsineq pissutigalugu iluaqutissarsiffiusinnaasoq ataatsimiititaliamit ilimagineqarpoq. Tamatuma saniatigut nipisaat suaasa pitsaasumik akeqartinneqarnerat ilanngukkaanni nipisat suaannik Maniitsup eqqaaniit Nuummut assartuinissamut sullissinissamik isumaqatigiissuteqarnissap pisariaqartinneqarnera ataatsimiititaliamit tupigusuutigineqarpoq. Taamaattumillu tamatuma itisiliiffigineqarnissaa ataatsimiititaliamit qinnutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni aammalu apeqqutit siuliani allassimasut piaartumik akineqarnissaat siunertaralugu Naalakkersuisut inassuteqaataasa isummerfiginissaat Aningaasaqarnermut Ataatsimiititaliap **kinguartippaa**.

Naalakkersuisut akissutaata kalaallisut danskisullu kingusinnerpaamik ulloq 20. juni 2013, nal. 12 tiguneqarnissaa ataatsimiititaliamit qinnutigineqarpoq assilineqarneralu uunga nassuteqquneqarluni: julie@ina.gl.

Ataatsimiititaliap sinnerlugu



Finn Karlsen

Ataatsimiititaliap siulittaasua